



## Universitätsbibliothek Paderborn

**Mvndvs Et Mvndi Partes, Divinæ Bonitatis Ac Ivstitiæ  
Præcones**

**Stengel, Georg**

**Ingolstadt, 1645**

§. 9. Gaudiorum terrenorum varietas, ad æternū duratura nos gaudia  
inuitat.

[urn:nbn:de:hbz:466:1-52365](#)

rem sunt rebus his caducis infinites me-  
liora atque optabiliora, vel hoc solo etiam  
capite, quia durabiliora.

§. IX.

*Gaudioram terrenorum vanitas ad aeternum  
duratura nos gaudia inuitat.*

Huic durationi accedit magnitudo bo-  
norum, quæ inibi obtinget. Quantis enim  
spatijs cœlum illud latè circumductum ter-  
tarum angustias superat; tanta excedit im-  
mensitate gaudium beatorum, huius mun-  
di illecebras. Res, quæ hîc pariunt delecta-  
tionem, non simul, sed sensim, & successi-  
uè, nec sine interruptione, & plurimarum  
molestiarum admixtione, sua cōmoda ad-  
ferunt; quorum cùm alterū succedit, prius  
euaneſcit. At, in cælo, totum illud aeterhū  
bonum, electis promissum, electorū est, &  
ab electis in aeternum totum simul possi-  
detur. Nam quamuis non fuerimus ab aeterno, Leonard.  
tamen poſſidentes Deum, fruemur in eo etiam Less. li. 4.  
aeternitate; quatenus infinitis retro ſaculis ex- de diuin.  
titit, mente nos retrorsum, & antroſum ex- Perf. c. 4.  
tendentess; ſicut & tota immensitate fruemur,  
in immensum illud pelagus nos immergentes,  
vnus enim erimus ſpiritus cum Deo. Sensum  
igitur & gustum habebimus diuinorum, ſicut

Nn

& ipſe

*& ipse Deus habebit, et si diffari gradu. Quis itaque ex hac terra morientium ad illam terram viventium non aspiret? Immò quis diuinam hīc prouidentiam non agnoscat, amet, prædicet, quā si aliam nullam causam haberet (cūm tamē habeat plurimas) tamen ob hanc solam benignissimè terras constringeret, concuteret, tot mortibus & miserijs repleret, vt eam nāseare, ac desiderare disceremus, atq; ad meliorem, ex hoc exilio potius, quam natali solo, patriam appetendam incitemur.*

## §. bo X.

*A considerato terræ puncto, ipsos etiam Ethnicos, ad cælestem amplitudinē inuitatos.*

*Cur hoc non faceremus Christiani? Ethnici fecerunt. Quorum vnum juuat cæstem adducere, ne videamus neruos nimium intendere, dum terrenas & delicasias mentes, ad rerum vanarum, mundique huius contemptum, & desideria cælestium inuitamus. Ita igitur Romanus sapiens loquitur. Virtus, quam affectamus, magnifica est. non quia per se beatum est, malo caruisse, sed quia animum laxat, ac preparat ad cognitionem cælestium, dignumq; efficit, qui in consortium Dei veniat. Tunc consummatu*

*Senec.*

*I. i. Nat.  
qq. in  
procem.*